

20 JUL 1999

Sukan-Basikal (Terbuka Kedah)

PELUMBA NEGARA UNGGULI TERBUKA KEDAH

JITRA, 20 Julai (Bernama) -- Pelumba negara menyapu bersih tiga tempat teratas acara kriterium lelaki elite pada kejohanan lumba basikal Terbuka Kedah yang berlangsung dua hari bermula semalam di sini hari ini.

Faizul Izuan Abdul Rahman, yang mewakili Perak, mencatatkan masa 47 minit 59.50 saat untuk acara yang memerlukan setiap peserta melakukan 15 pusingan dengan jarak 2.4km setiap pusingan serta lima pecutan.

Rakan latihannya, yang akan bertanding di Sukan SEA Brunei bulan depan, Mohd Mahazir Hamad (Selangor) dan Musairi Musa (Kuala Lumpur) menduduki tempat kedua dan ketiga.

Kejohanan itu dianjurkan oleh First Cartel (M) Sdn Bhd dengan kerjasama Majlis Sukan Negeri Kedah bersempena lawatan kerja dua hari Perdana Menteri Datuk Seri Dr Mahathir Mohamad ke negeri ini mulai semalam.

Sementara itu, pemenang pingat perak di Sukan Komanwel tahun lalu, Nor Effandy Rosli (Majlis Sukan Negara) muncul juara bagi acara Basikal Bukit Terbuka dengan catatan masa 17.43.20 saat menewaskan Johari Khamis (Selangor) dan Martin Fernandez (Public) di tempat kedua dan ketiga.

Keputusan lain :

Kriterium Junior - Suhardi Hassan (Perlis) 10 mata; Ahmad Fallanie Ali (Terengganu); Mohd Yusof Abdul Nasir (Selangor).

Basikal Bukit Wanita - Nor Nadea Jamaluddin (Perlis); Rosliza Mat Yusuf (Perlis); Nor Aisyah Abu Bakar (Perlis).

Basikal Bukit Bawah 18 Tahun - Mohd Jasmin Ruslan (Terengganu); Mohd Fazli Zainuddin (Pahang); Muhamad Fauzi Jasni (Kelantan).

Basikal Bukit Bawah 15 Tahun - Md Sayuti Md Zaid (Kelantan); Mohd Zamri Salleh (Terengganu); Che Hafizan Che Roza (Kelantan).

Basikal Bukit Bawah 12 Tahun - Haramizan Basri (Perlis); Nor Qamarul Mahmud (Sek Keb Jitra); Chan Thian Fook (Sg Petani).

-- BERNAMA

MAN NAK